

دائرة مخصوصه

در سعادتده باب عالی جوازنده

محل اداره :

مشرط القیم

اخطار :

مسئله مزه موافق آثار جدیده مع المنوینیه
قبول اولنور

درج ایله بن آثار اعاده اولنور

دیده، فلسفه، علوم، حقوق، ادبیات و سیاسیات و بالخاصه کرب سیاسی و کرب اجتماعی و مدنی احوال و مشوره اسلامیه و به بحث ایدر و هفته ده بر نشر اولنور.

آبونه بدلی

سنه لکی

القی آیلنی

ممالک عثمانیه ایچون	۸۰	۴۰	غروش
روسیه	۶۰۵	۳۰۵	روبله
سائر ممالک اجنبیه	۱۷	۹	فرانق

صاحب و مؤسسلری :

ابوالعلا زین العابدین - ح . اشرف ادیب

تاریخ تأسیسی

۱۰ تموز ۳۲۴

در سعادتده نسخه سی ۵۰ پاردر

قیرله دن مقوا بورو ایله کوندریلیرسه سنوی
۲۰ غروش فضله آلتیر

عدد : ۶۴

۱۱ ذی القعدة ۳۲۶ پنجشنبه ۱۲ تشرین ثانی ۳۲۵

اوچنچی جلد

ارکان محترمه‌سنتك ، اكابر امتك قلوب حقیقه حواله ایدہرم . هنوز زمان مساعد ، میدان مجاہدہ کنیشدر . . .
بك آفندی . . . بوسوزلرمدن سزى تنقیدہ قالقشوق جرأتكارلغندہ
بولندیغمہ حمل اولمسون . . . یوق ، یوق بن سزك نام محترمکزی
احترامکارانہ قارشولامقدن ، لسان ستایشلہ یاد ایتکدن باشقہ برشی
یابہم . حدم دکل . . . سزك بو آنہ قدر « اسلامیت » نامنہ ایفا
ایتدیکنز خدمات مبرورہ شایان تنقیداولمق شائبہ سندن کلیاً آزاده در .
ذاتاً مقصدم هیچ برکیمسہ پی تخطئه ایتك دکدر . اقصای آملز ،
هدف مقصودمز ، « ترقی اسلام » . . . شو ایکی کله دن عبارتدر .

حسبات ملتپروری به بر حد ، بر غایہ تصوری قابل اولہمدینی
کبی بواوصاف کنزینہ برده اقتدار فوق العادہ انضمام ایدنجہ آرتق
بوضایای علویہ انسانینک ساحۂ اجرا آتی تعین وتقدير ایتك
غیر ممکندر . بوجلی حقیقت عالم اسلامک حیات اجتماعیه لرندہ برعکس
تأثیر حصولہ کترین موفقیت اخیرہ کزلہ بر قاندها نمایان اولمشدر .
« مسلمان قونفرہ سی » اووخ . . . ایشته برلشائہ فلاح ؛ بریدیعمامل . . .
محیطندہ عظیم برکتلہ اجتماعینک سعادت وسلامتی فروزان بر مجلس
عالی اسلامی ، عالم اسلامی لایق اولدینی موقع معالیہ ایصال ایدہجک
بر محل مقدس . . .

انظار اسلامیانی - ردای غفلت وجهالتلہ - اورتن سحابہ مظلمی
پیرتارہق بدر لطافتیلہ عرض چهرۂ ابتسام ایدن بوخبر نشاط آور
یتون خیرخواهان امنہ کنیش کنیش نفس آلدیردی . قبلرندہ
آتی ایچون ، استقبال ایچون طاتلی امیدلرلہ مشحون بر امنیت تامہ
تولید ایتدی . بالطبع بوقونفرہ نک اسباب تشکلی حقندہ بر فکر
مخصوص ایدینہ بیان هر مسلمان ، کنیدیلرینک ادامۂ موجودیتلرینی
کافل بومجلس عالینک هیئت مؤسسہ سنہ قارشوی الی الابد برخس شکران
ایله متجسس بولنور ، بو احتساستانی اظهار ایتکیده - کنیدیسی
ایچون - بر مجبوریّت وجدانیہ ، بر فریضۂ ذمت تلقی ایدر . بناء علیہ
بومحرر عاجز ، او هیئت کرامک سرفرازی ، دها صحیح بر تعبیرلہ
مؤتمر اسلامک مؤسسی اولان ذات والارینہ بوموفقیت عظمالرندن
طولایی یتون صفوت قلبیلہ ، صمیمیت روحیلہ تبریکاتی تقدیم
وبوبوسیله حسنہ ایلده عرض احترامات بی نہایہ ایلور . . .

« استانبول » محی الدینہ برہ ماہی امین



فلسفۂ حیاتیہ

یاخود

اثبات واجب

تسلط ادراکی اولان تعاملات سوق طبعیہ

افکار مخصوصۂ غیر مؤثرہ یعنی شخص ذی حیات ایچون
علاقہ سی اولیان موجودات وحادثات ایله حصولہ کلن افکار مخصوصہ
تعامل ایقاع ایتز . بالعکس افکار مؤثرہ ومہیجہ شخصہ بر طاقم

تعاملات ایقاع ایلرکہ بونلر بعضاً غیر قابل مقاومت بر میل ویاسائق
تأثیریلہ شخصک نہ اولدینی بیلمدیکی بر مقصد اوزرینہ - صورت
منتظمہ ده - اجرا اولنور یعنی شخص یایدینی بیلیر فقط ایچون
یایدینی بیلمز . بوتعاملات ادراکیہ ترافق ایدن عنصر مؤثر
- احتساستک عنصر مؤثرینک خوش ویاناخوش اولدینہ کورہ -
آزچوق ذوق بخشا ویاتلخ آور برحسبتلہ درک ایدیلور .

بر فکر مخصوص مہیج ایله ، بونی تعاقب ایدن تعاملدن تشکل
ایدن هیئت مجموعۂ حرکاتہ (سوق طبعی) دینلور .

افعال سوق طبعیہ پی شخصک تغدیسینہ ، تدافعنہ ، تناسلنہ عائد
اولدینہ کورہ اوج صنفہ تقسیم ایدہجکر :

(۱) تغدی بہ عائد سوق طبعی بہ مثال :

انسان و حیوانات عالیہ غذا ومشروبات آلمق ایچون بر احتیاج
(آجلق ، صوسزلق) حس ایدرلر وکنیدیلرینہ لازم اولان مواد
غذائیہ پی انتخاب ایتکیده بیلیرلر .

بوغدای انبویۂ هضمیہ لرینہ ادخال ایتك ایچون برارزو ومیلانہ
دوچار اولهرق احتیاجلرینک تسویه ایدیلوب ایدلدیکنہ کورہ
بر ذوق ویامشقت حس ایدرلر . کنیدیسی دوشنوب بیلیمکسزین
اطرافنی احاطہ ایدن بوقدر اجسام کثیرہ اراسندہ کنیدیسنہ لازم
اولان موادی حاوی اغدیہ نک خواص وکیفیتی بر صحت قطعیه ایله
تقدیر ایدہرک انتخاب ایتك ملکہ سنہ دقت بیورلسون! صوسز اولان
برکوپکۂ کئول ، اثر ، غلیسرین ، صو . . . الخ کبی بر طاقم براق
مایع کوستریلیورده حیوان عضوینک محتاج اولدینی یالکز صودن
بشقۂ سنی ایچمیور . بوشایان حیرت تقدیر واتخاب یالکز غذا ومشروباتنک
کیفیتندہ دکدر ، مقدار وکیفیتندہ ده بوحال وارددر . صوصامش اولان
کوپک عضویتنہ لازم اولان صویک مقدارندن نہ آزنہ ده جوق ایچر .

(۲) تدافعه عائد سوق طبعی ینہ دوشونوب بیلیمکسزین تہلکہ پی
تقدیر ایله (دفع) ، (قورقو) ، (حدث) ، (فرار) ایچون غیر قابل مقاومت
بر میل) ، منع اولدینی تقدیرده صوک نفسہ قدر (مجادلہ) صورتندہ
تظاهر ایدر . طاوشانک وانسانک قورقوسی وبوبادہ کی حرکاتی کوز
اوکونہ کتیریلیرسہ فضلہ مثال ایرادینہ حاجت قالماز .

(۳) تناسلہ عائد سوق طبعی ایسہ عینی نوعدن فقط مختلف
جنسندن اشخاصک بینلرندہ حصولہ کلن بر (جاذبہ) ایله ونوعک
اک زیادہ کمال نامی جامع انمودجی (حسن) انتخاب ایدہرک مقصدی
بیلیمکسزین نسلنک دوام ومحافظہ سی ایچون (اصطفا ی جنس) انتخاب
ایتدیکی بوجودلہ برلشمک احتیاج وارزوسیله (محبت جنسیہ) ،
واک نہایت غایت شدید برحس ذوق ایله ترافق ایدن افعال تناسلیہ نک
اجراسنہ سوق ایدن غیر قابل مقاومت بر میل ایله (شہوت) تجلی
ایدر . شفقت پدرانہ ومحبت مادرانہ ده بوسوق طبعی تناسلہ داخلدر .
ایشته سزہ بر مثال :

قوش بروقت معینده یووا یا بقم احتیاجنی حس ایدر ودوشونوب
محاکمہ ایتیمکسزین بوایشه یارایہجق اولان موادی تفریق وتمیز ایدہرک

عالم اسلام

زوالی بخارا ۱...

دائماً نامی تعظیم و تجلیل ایله یاد ایتهمی بیوک بر نانکورلک غد ایتدیکم او بیوک ملتپور اسماعیل بک غصبرنسکی افندی حضرتلری استبدادک، تغلبک اوزرلرنده حکمفرما اولمسنندن طولای روحسز قلمن روسیه اسلاملرینه یکی برحیات ویرمک، ابدی برسمعات حاضرلامق مقصد عالیه میدان قویدنی اصول صوتیه نک ایلک دوره لری بوحرر عاجزک زمان صباوتنه تصادف ایدیور.

روسیه نک او بر کوشه سنده، قاراکلق، ییس، چوریش تاتار مدرسه لرینک برنده بین الاقرا اولدقجه بر موقع ممتاز احراز ایدرک، صانکه آرتق کاله ایریشمش کی مغرورانه (قال النبی عم، ایتدی بیغمبر عم: من شق حب البطح ادخله الله تعالی فی النار ثمانین حقبة) دیه احادیث موضوعه بی، قرق حدیث نام کتابی باشمی صالایه صالایه، بلند برصدایله ازبرله دیکم وقت ایدی که علما ایکی به منقسم اولوب، یکدیگریته سلاح بدست اوله رق، «جدید، قدیم» یاراغی آلتنده اعلان حرب ایتشلردی. کتاب المعجم، مخاطب ایله صائب، النصول الحیدیه فی خلاف اصول جدید و برده اش محمد توننارینک اصول و آداب تحریریه ایله قطعاً و قاطباً علاقه سی اولیان اثرلری بوحرک باشلیجه ادواتندن ایدی. هجوم دائماً قدیملر طرفندن تکفیر بوروسیه باشلایه رق جدیدلر طرفندن اهمیتسنز لکه مقابله اولنیوردی. بواهمیتسنز لک مقابله سی قدیملرک سکیرلرینه او قدر طوقنیوردی که آز قالدی جسارت مجنونانه لرینی بردها ایلرلته رک اورته لنی آلت اوست ایدرک بتون بتونه محو ایده جکاردی.

بونی کورن میسیونرلرک اشتهارلی خلی قباروب حق بروقتلر میسیونرلرک رئیس لرندن بری «اصل ایشمه کلنر متعصب اماملردر، نصلسه آناری الله ایتلی؛ کنجلردن ده صوک درجه احتیاط ایله لی یز» دیمشدی. مع مافیه بومیسونر رئیس نک سوزینی پک طبیعی بولورز. زیرا استقبال کنجلره عائد برشی اولدیغندن حیاتک اهمیتتی تقدیر ایدن آنلردر. البته حیاتی تقدیر ایدن آدملر کندی لری ایچون احضار ایدیلن برحفریه دوشمکدن محافظه خصوصنده پک احتیاطلی طاورانیرلر. ماضی ایسه اختیارلرک کچیردیکی بر زمان اولوب اختیارلر آنکه مألوف القلب اولدقلرندن دائماً آکا طوغری کیمک ایستلر. وهرشی بو خواب غفلته او یویان ماضی ده اولدینی کی یامق ایستلر. بناء علیه میسیونرلر ایچون، قازلمش برحفریه دوشمکدن احتراز ایدن کنجلردن ایسه هرشی خواب غفلت ایچرو سنده یامق ایستیهن اختیارلر ده کارلی اولمه سی پک طبیعی برشیدر.

او وقتلر تکفیر او قدر اوجوز لاشمشدی که قوم عاد پادشاهلرینک اسملری اولمقدن باشقه هیچ برمرتتی اولیان «ایچد، هوز، حطی الخ» لری آرتق براقلم، اوقومیه لم دیهن آدمی تکفیر

برمیل شدیدک تضییقه بوموادی برصنعت تامه ایله ترتیب ونظامنه قویار. بوضعتده اولجه اصلاً چراقلق ایتدیکی کی یلیدی یووانک ایلروده یومورطلایه جنی یومورطه لرک وضعنه ودها صکره بولردن چبقاجق یاورولرینک اسکانه یارایه جغنی ده بیلمز. یومورطلادقندن صکره دوچار اولدینی برمیل جدید ایله یاورولرک انفجارینه قدر قولوچقه ده یاتار. بومیل بالاخره تحول ایدرک یاورولر کندی باشلرینه غدالرینی تدارک ایدنجیه قدر بولره غذا آریوب کتیرمه سوق ایدر.

متعدد دشمنلرینه قارشى هنوز ضعیف و درمانسز و مدافعه یه غیر مقتدر اولان یاورولری حتی حیاتی بهاسنه اوله رق محافظ، ایتک ایچون والده ده بشقه برمیل مجبر نشوونما بولور.

ای قارئین کرام دقت بیورلسون که ادراکی اولان بتون بوافعال قوشک بیلمدیکی برعات غایبه مالکدر. برچوق حیوانانده مشاهده اولنان سوق طبیعی معاشرت و قرابت و سوق طبیعی اجتماعی دخی مقد مکملرله حائر مناسبتدر.

حسیات عالییه تماس ایدن بو بحث کزینی اوزاده جق اولورسه ق جلدلر طولدی ره جق قدر یازا بیایرز. سوانق طبیعه برعمان حیرتدر که آزیجق دوشونه بیلن برکیمسه نک دهشت و تأثیر عمیق کرفتار اولماسی ممکن دکلد.

اولجه تعلیم وادمان ایدلکسزین غیر قابل تصور برمهارت وصحت مکمله ایله حصوله کلن افعال سوق طبیعه یه نصل حیرت ایدلز؟ قفسده دوغمش، بیومش برقوشه حریت ویریلرسه هیچ کورمدیکی بیلمدیکی حالده همان کندی نوغنک یایدینی یووانک عینی انشا ایدر. دوغوردیغنی متعاقب یاوروسی قوجاغنه ویریلن کنج بروالده نوزادک «یه یاپیشه رق مکمل صورتده امدیکی کورنجه حریت ایدوب چیرینه رق» بونی بوکا کیم اوکرتدی «دیه صوریور. انسان نصل دوچار تعجب اولماز که دائماً بر مقصد مفیده توافق ایدن افعال سوق طبیعه دن اوئی اجرا ایدن ذاتک اصلاً خبری یوقدر.

خلاصه سوق طبیعی لر، افعال منعکسه کی شخصک محافظه سی ونوعک بقاسی ایچون اجرا اولنور وعینی شخص، عینی نوعده دائماً برسیاقده در.

سوق طبیعی لر، افعال منعکسه یه مغایر اوله رق ادرا کیدرلر. یعنی شخصی یایدینی بیایر. فقط ییچو یایدینی بیلمز. افعال منعکسه ده ایسه بعضاً شخصک نه فعلندن، نه ده مقصدندن خبری اولماز.

سوق طبیعی، بتون مخلوقات عالییه ده غایت مهم بررول ایفا ایدر. شویله که: افعال منعکسه، مستثنا اولق اوزره مخلوقات مذکوره نک بتون افعالی سوق طبیعه لدر. مثلاً، کوپک حاولار، یر، ایچر، یاتار چفته شیر. زیرا حس ایتدیکی بو احتیاجاتک تحت تضییقه در. او حالده بوافعال سوق طبیعی طبیعتده در دیه جکز، انسانده بیله افعال منعکسه وارادیه دن غیری بر چوق افعال وارد که سوق طبیعی صنفه داخل اولور.

دها وار

انقره لی علی رضا